



戎政典第一卷

戎政總部彙考

書經 夏書禹貢

五百里綏服三百里揆文教二百里奮武衛

大

陳氏大猷曰綏服內安中國外安邊疆也內三百

里非全無武衛以文教為主外二百里非全無文教以武衛為主文教以善其生武衛以護其生民斯安矣又曰武以衛言保護而已治世武事易弛故誓以修之聖人不黷武亦不廢武也

禮記 王制

諸侯賜弓矢然後征賜鈇鉞然後殺

大

馬氏曰征與殺先王所以致天討弓矢鈇鉞皆先王之所

以致天討之器諸侯必俟天子之賜然後得以征伐者蓋臣無有作威而所用則唯君之所賜而已以征對殺則殺爲重以弓矢對鈇鉞則鈇鉞爲重諸侯之出討有罪未賜鈇鉞而有所不敢殺則亦征之而已

天子將出征類乎上帝宜乎社造乎禘禘于所征之地受命于祖受成于學

陳

注禘行師之祭也受

命于祖卜于廟也受成于學決其謀也

出征執有罪反釋奠于學以訊馘告

陳注獲罪人而反則釋奠于先聖先師而告訊馘焉訊謂其魁

首當訊問者馘所截彼人之左耳告者告其多寡之數也

大

長樂陳氏曰造乎禩則造于祖可知

受命于祖則用命于社可知受成于學則謀始于朝可知類宜禘先後之次受命受成尊卑之次訊者問其首馘者截其耳釋奠于學而告之者以學者文德之地征者威武之事于其文德之地告以成武之功以明用武以文任威以德而已

### 月令

孟春之月不可以稱兵稱兵必天殃兵戎不起不可從我始毋變天之道毋絕地之理毋亂人之紀

陳注天地大德曰生春者生德之盛時也兵凶器戰危事不得已而禦寇可也兵自我起以殺戮之

心逆生育之氣是變易天之生道斷絕地之生理而紊亂生人之紀叙矣其殃也宜哉

大

全馬氏曰

道可由而不可變理可循而不可絕紀可叙而不可亂

季夏之月不可以興土功不可以合諸侯不可以起兵動衆毋舉大事以搖養氣毋發令而待以妨

神農之事也水潦盛昌神農將持功舉大事則有天殃

孟秋之月立秋之日天子親率三公九

卿諸侯大夫以迎秋于西郊還反賞軍帥武人于朝天子乃命將帥選士厲兵簡練桀俊專任有功

以征不義誅暴慢以明好惡順彼遠方

陳

注簡練簡擇而練習之也專任有功謂大將有已試之

功乃使之專主其事也詰者問其罪誅者戮其人殘下謂之暴慢上謂之慢順服也好惡明則遠

方順服

周禮 夏官

大司馬以九伐之法正邦國

訂

鄭鑄曰諸侯有罪輕重不一至用兵以誅討之必聲其罪左氏曰

有鐘鼓曰伐言聲其罪也

賈氏曰下文惟賊賢害民言伐此總言伐者皆以兵加其境

馮弱犯寡則眚之

訂

鄭康成曰馮猶乘陵也言不字小而侵侮之

鄭鑄曰王氏本注說眚字謂

誅其爵命削其土地使強更弱衆更寡若人之眚瘦然未免與下文削之相似眚宜如易有眚災

之眚用兵治之使若眚災然不能逃其患也

李嘉會曰眚之謂宣揚辭令以明其惡使之自眚

賊賢害民則伐之

訂

鄭鑄曰伐如伐木之伐去其根本勿使再生之理賢足以長民賊之是不義

古今圖書集成  
民者邦所恃害之是不仁聲罪而伐翦夷去之

暴內陵外則壇之

訂鄭鏐曰暴內則爲惡于國中陵外則肆侮于四鄰不可以爲君宜除而去之

如除地爲壇之壇

鄭康成曰壇讀如同壇之壇王霸記曰置之空壇之地置之空壇以出其君

更立其次賢者

劉執中曰壇者時會發禁以誅之也

野荒民散則削之

訂鄭鏐曰王者量地以制邑度地以居民爲諸侯者有田野不能治至于荒蕪

有人民不能聚至于離散則不能保有其大也故削之使小如漢削諸侯王郡是也譙郡張氏曰

先王知禮義本原起于稼穡之際故于農事常先天下之政諸侯助成王祭臣工之詩因其歸而

戒以農事由此故也先王巡四岳較諸侯之善惡其慶始于土地辟田野治其罰始于土地荒蕪

田野不治夫戒諸侯之事莫急于新畬之勤制諸侯之賞罰莫先于田野之政先王之意可知矣

負固不服則侵之

訂鄭康成曰負猶恃也固險可依以爲固也不服不事大也 鄭鏐曰侵如侵

于之疆之侵說者以爲粗曰侵又云淺曰侵謂略以兵加之蓋恃險者必坐而困敵國攻險者必

至于多殺人侵之以兵使知險之不足恃乃控制負固之良策

賊殺其親則正之

訂鄭康成曰正之者執而治其罪王霸記曰正殺之也鄭鐸曰正者正也賊

之殺之則是不知有人倫者也正者明其尊卑之序定其昭穆之等執而殺之可也

放弑其君則殘之

訂鄭康成曰放逐也殘殺也王霸記曰殘滅其爲惡

犯令陵政則杜之

訂鄭康成曰令猶命也王霸記曰犯令者違命也陵政者輕政法不循也杜之


者杜塞使不得與鄰國交通鄭鐸曰犯令以諸侯而抗天子之命陵政以諸侯而侵天子之權

外內亂鳥獸行則滅之

訂鄭康成曰王霸記曰悖人倫外內無以異于禽獸不可親百姓則誅滅

去之也

太乙一星天乙一星天槍三星天  
 樁五星太陽守一星元戈一星圖



圖考 太乙

按星經在天乙南半度天帝神主十六神知風雨水旱兵馬饑饉疾病災害所在之國也 按史

記天官書不載 按晉書宋史天文志與星經同 按步天歌天乙太乙當門路 按新法曆書

表同

天乙

按星經在紫微宮門外右樞南爲天帝之神主戰鬪知吉凶 按史記天官書紫微宮前列直斗

口三星隨北端兌若見若不曰陰德或曰天乙 按晉書宋史天文志皆與星經同 按步天歌

見上 按新法曆書同

天槍

按星經三星在北斗柄東主天鋒武備在紫微宮右以御難石氏星讚備非常之變也 按史記

天官書紫宮左三星曰天槍或動搖角大兵起 按晉書天文志在北斗杓東一曰天鉞天之武備

也故在紫宮之左右所以禦難也 按宋史同 按步天歌搖光左三號天槍 按新法曆書表

同

天棓

按星經天棓五星備非常之變也

按史記天官書紫宮右五星曰天棓動搖角大則兵起按

晉書天文志天棓五星在女牀北天子先驅也主分爭與刑罰藏兵亦所以禦兵槍棓皆所以備非常也按步天歌廚下五個天棓宿按新法曆書表同

太陽守

按星經在西北主大臣將備天下不虞事

按史記天官書不載按晉書天文志太陽守一星

在相西大將大臣之象主戒不虞設武備按宋史一曰在下台北太尉官也在朝少傳行大司馬

者按步天歌太陽之守曰勢前一個宰相太陽側按新法曆書表同

元戈

按星經元戈一星在招搖北一名臣戈

按史記天官書杓當有兩星一爲外盾天鋒

注在招搖

南一名元戈按隋書天文志元戈二星在招搖北所主與招搖同按宋史作一星

按步天

歌杓下元戈一星圖 按新法曆書表同



圖考 庫樓

按星經庫樓二十九星庫樓十五柱十五星衡四星在角南軫東南次器府東一曰文陣兵車之府

按史記天官書軫南衆星曰天庫樓庫有五車車星角若益衆及不具無處車馬

恐有訛字

按隋書天

文志庫樓十星其六大星爲庫南四星爲樓在角南一曰天庫兵車之府也旁十五星三三而聚者

柱也中央四小星衡也主陳兵

按宋史同

按步天歌庫樓十二屈曲明樓中柱有十五星三

三相聚如鼎形其中四星別名衡

按新法曆書表一二三四五屬金水六七八屬金木九十一

十二俱缺衡四星俱屬金水柱只作十星俱屬金水

南門

按星經不載

按史記天官書亢南兩大星曰南門

按晉書天文志南門二星在庫樓南天之

外門也主守兵

按宋史同

按步天歌南門樓外兩星橫

按新法曆書表同屬金水

招搖一星梗河三星陣車三星騎官二十  
七存五星車騎三星騎陣將軍一星圖



天市

房

心



圖考 招搖

按經招搖星在梗河北主北兵

按史記天官書杓端有兩星一內爲矛曰招搖動搖角大兵起

按晉書天文志梗河北一星曰招搖一曰矛楯主北兵占與梗河相類宋史同

按步天歌一個

招搖梗河上 按新法曆書表同屬水土

梗河

按星經梗河三星在大角帝座北主天子鋒又主北兵及喪

按史記天官書不載 按晉書天

文志帝座北三星曰梗河天矛也一曰天鋒主北兵又爲喪宋史同

按步天歌梗河橫列三星

狀 按新法曆書表同屬水土

陣車

按星經陣車三星在氐南主革車兵車

按史記天官書不載

按晉書天文志陣車三星在騎

官東北革車也宋史云在氐南

按步天歌陣車氐下騎官次

按新法曆書表同一屬火水二

三屬火土

騎官

按星經騎官二十七星在氐南主天子騎虎賁諸侯之族子弟宿衛天子今三衛之像

按史

記房南衆星曰騎官

按晉書天文志與星經同

按步天歌氐下衆星騎官出騎官之衆二十

七三三相連十欠一

按新法曆書表作十三俱屬火土今圖只存五

車騎

按星經車騎三星在騎官南總領車騎行軍之事騎官南三星車騎之將也

按史記天官書不

載

按晉書天文志騎官南三星車騎之將也

按宋史主部陳行列

按步天歌騎官之下三

車騎

按新法曆書表同

騎陣將軍

按星經車騎將軍星在騎官東南主車騎將軍官

按史記天官書不載

按晉書天文志騎官

東端一星曰騎陣將軍騎將也

按步天歌將軍陣裏鎮威霜

按新法曆書表在車騎東南屬

火土

積卒十二星存二圖

房



積卒

尾

圖考 積卒

按星經心下積卒星十二在氏東南

按史記天官書不載

按晉書天文志積卒十二星在房

心南主爲衛也

按宋史五營軍士之象主衛兵掃除不祥

按步天歌下有積卒共十二三三

相聚心下是

按新法曆書表僅存二餘闕一火土二金水

河鼓三星天桴四存三星左旗  
九存四星右旗九存六星圖

